

– Չբարկացայ: Եթէ մի այսպիսի խօսք Սագօս ասեր, ես կը բարկանայի, բայց Մըհէն ինչ որ ասէ, ես չեմ բարկանայ. նրա սիրտը խտակ է, նա չէ հասկանում ինչ բան է սերը:

– Դու հասկանո՞ւմ ես:

Մարօն ոչինչ չպատասխանեց, որովհետեւ նոյն ընկալում լսելի եղաւ շան խորին կնձկնձոցը եւ իսկոյն լռեց գիշերային մթութեան մէջ:

– Վա՛հ, այս ի՛նչ արեց, երեւի այն յիմարը շանը սպանեց, – ձայն տոեց Մարօն եւ ճրագը խլեց, դուրս թռաւ:

Ես էլ գնացի նրա հետ: Եւ իրաւ, շունը անմռունչ կերպով ընկած էր բակի մէջ. ճրագի լուսով մենք տեսանք՝ նրա գլուխը Մըհէի լախտի մի հարուածից բոլորովին փշրոել էր եւ ուղեղը դուրս թափոել:

– Թաղե՛մ քո սարսաղ գլուխը, ինչո՞ւ սպանեցիր շանը, – ասաց Մարօն ցաւորի կերպով:

Մըհէն, որ դեռ կանգնած էր իր գոհի մօտ, ոչինչ չպատասխանեց, մօտեցաւ բակի դռանը, ոտքով մի կողմ գլորեց ահագին քարը, որ դրած էր դռան ետեւը փականքի տեղ, եւ լախտը իր ուսին դնելով, լուռ ու մունչ դուրս գնաց:

– Ու՛ր է գնում նա, – հարցրի ես Մարօից:

– Աստուած ոչ գիտէ նրա գլուխը: Նա երբ որ իր մահակը վեր առաւ, տրեխները հագաւ, կնշանակէ հեռու տեղ ունէ գնալու: Թէ չէ ողջ տարին նա բոքիկ ոտքերով է ման գալիս. ոտնամանը մի ծանրութիւն է նրա համար:

– Նա հիմա էլ ոտնաման չունէր:

– Նրա համար, որ շունը կերաւ: Փակիր դուռը, Ֆարիատ:

Ես մօտեցայ դռանը. այն քարը, որ Մըհէն մէկ ոտքով հեռու գլորեց որպէս թեթեւ տաշեղ, ես հագիւ կարողացայ երկու ձեռքով իր տեղը դնել: Մարօն տեսնելով այդ, սկսեց ծիծաղել:

– Այնպէս, իսօ ես էլ կարող էի մօտ մղել քարը:

– Դէ՛, փորձիր:

Եւ իրաւ, Մարօն անելի թեթեւ կերպով, քան թէ ես, վեր առաւ ահագին քարը եւ բարձրացրուց գետնից:

– Դու ուժեղ ես, Մարօ, դրա համար էլ Մըհէն քեզ սիրում է, որ իր պէս ուժեղ ես: